



Concello de Arbo

BASES DO VIII CERTAME DE CARTEIS BRAIS ALONSO

1.- Obxectivo ou Finalidade do concurso:

O Concello de Arbo convoca o concurso de carteis con motivo da celebración da "XXVI Festa da Lamprea Seca" que terá lugar os días 7 e 8 de agosto do ano 2021.

Este concurso ten como obxectivo deseñar o cartel para a "XXVI FESTA DA LAMPREA SECA" promovendo así a festa gastronómica do Municipio.

2.- Participantes:

Poderán participar no concurso todos os interesados no mesmo.

3.- Tema, Característica técnicas, Soporte e Material:

Tema: XXVI FESTA DA LAMPREA SECA

Soporte: As propostas serán entregadas en calquera soporte que os participantes consideren axeitado e en soporte electrónico á máxima resolución.

Poderán presentarse como máximo dous carteis por participante. Os traballos serán presentados nun sobre pechado e acompañadas dun sobre adicional tamén pechado no que figurarán os datos persoais do participante, fotocopia do DNI e domicilio e teléfono ou medio de contacto. De ser dous os carteis, deberán achegarse en sobres distintos.

Nos carteis deberá incluírse de xeito correcto as letras e a edición da festa correspondente ao ano 2021 "XXVI FESTA DA LAMPREA SECA 7 e 8 DE AGOSTO".

Material: Os materiais a empregar poderán ser lapis de cores, ceras, acuarelas, témperas, collage, etc.

4.- Premios e réxime fiscal:

Establécense os seguintes premios:

1º Premio: 400,00 euros.

2º Premio: 300,00 euros.

O importe dos premios será sufragado con cargo a aplicación orzamentaria correspondente do exercicio 2021, quedando supeditada a resolución de concesión dos mesmos a existencia de crédito adecuado e suficiente no orzamento do exercicio 2021.

Os premios estarán suxeitos a correspondente retención nos termos previstos na Lei 35/2006 de 28 de novembro reguladora do Imposto sobre a Renda das Persoas Físicas.





Concello de Arbo

5.- Presentación:

O prazo para a entrega das propostas de carteis finalizará o día 14 de xuño de 2021. Ditas propostas serán entregadas no rexistro xeral do Concello, Praza do Consistorio nº 1, 36430, Arbo (Pontevedra) nun sobre pechado e acompañadas dun sobre adicional tamén pechado no que figurarán os datos persoais do participante, fotocopia do DNI e domicilio e teléfono ou medio de contacto.

No exterior do sobre indicado, aparecerá, en letras maiúsculas o tema do concurso, sen constar alusión algunha que permita identificar ao concursante, sendo causa de exclusión do concurso o incumprimento desta norma.

6.- Xurado:

Haberá un xurado composto por representantes dos distintos ámbitos sociais e culturais do Concello de Arbo, cuxa designación se fará pola Alcaldía, e de cuxas deliberacións e conclusións se deixará constancia na acta que se levantará ao efecto.

O xurado valorará especialmente a creatividade, o impacto visual e a súa relación coa filosofía do evento.

O xurado poderá deixar baleiros os premios se ningunha proposta acadara a calidade esixida, ou rexeitar para o concurso aquelas que non se axusten ás bases.

O xurado elevará ao órgano municipal competente a proposta de premios que corresponda outorgar.

Os premios faranse públicos nos medios de comunicación e nas redes sociais, indicando, cando menos, o nome e apelidos dos/as gañadores/as.

7.- Traballos premiados:

As propostas presentadas e premiadas ficarán en poder do Concello, podendo facer uso das mesmas para calquera evento que desenvolva, e podendo ser obxecto de exposición ou reprodución por parte dos convocantes, sen que elo dea dereito a retribución algunha para os concursantes.

O Concello poderá efectuar cantas reproducións precise do cartel que obteña o premio e difundilo, sen que polo seu autor poda evocar dereitos ao respecto, podendo empregar a imaxe completa do cartel ou parte dela para realizar material relacionado coa festa.

Do mesmo xeito, poderá introducir algunha modificación nos carteis premiados se existirá algunha dificultades técnica para a súa impresión ou para introducir algún texto ou logotipo quen non figure inicialmente nas bases.

8.- Traballos non premiados:





Concello de Arbo

As obras non premiadas devolveranse aos seus autores, podendo estes pasar a recollelas polas dependencias municipais, a partir do quinto día posterior ao fallo do xurado no mesmo lugar onde foron entregadas. Transcorrido o prazo de 30 días, o Concello non se responsabilizará do destino das obras non retiradas.

9.- Publicidade:

A convocatoria deste concurso e as súas bases, así como os sucesivos anuncios relativos ao concurso publicaranse no Taboleiro de Anuncios do Concello e no Facebook do mesmo.

10.- Normas en materia de Protección de datos:

Os datos persoais que os participantes ou gañadores do presente concurso faciliten para a participación no mesmo e no seu caso, para o adecuado desenvolvemento do concurso, serán tratados, na súa condición de responsable, polo Concello de Arbo.

A lexitimación para o tratamento dos datos é o cumprimento dunha misión realizada en interese público ou no exercicio de poderes públicos conferidos ao responsable do tratamento en base á Lei 7/1985, de 2 de abril, Reguladora das Bases do Réxime Local, e á Lei 38/2003, de 17 de novembro, xeral de subvencións, e Lei 9/2007, de 13 de xuño, de subvencións de Galicia.

Os datos persoais proporcionados polos participantes e gañadores do concurso serán tratados coa finalidade de levar a cabo a tramitación xeral do presente procedemento de concorrencia (concurso) e o desenvolvemento das prestacións derivadas do mesmo, polo que se conservarán mentres sexan necesarios para as ditas finalidades, e, en todo caso, durante os prazos establecidos pola lexislación vixente.

Do mesmo xeito, determinados datos poderán ser publicados, nos termos previstos na lexislación vixente, a través de medios comunicación institucionais como Boletíns ou Diarios Oficiais, páxinas web ou taboleiros de anuncios, coa finalidade de dar a publicidade legalmente esixidas ao procedemento.

En caso de que os participantes no concurso facilitaran datos de carácter persoal de terceiros, incluídos os relativos ao persoal ao seu servizo, previamente a súa inclusión deberán informar ás persoas interesadas dos extremos establecidos nos parágrafos anteriores.

As persoas interesadas poderán acceder, rectificar e suprimir os seus datos, así como exercitar outros dereitos ou revogar o consentimento segundo o previsto na sede electrónica do Concello de Arbo (<https://concellodearbo.sedelectronica.gal>)

De igual forma poderán poñerse en contacto coa persoa delegada de protección de datos e obter información adicional segundo o especificado no portal web.





Concello de Arbo

11.- Normas finais:

O feito de participar no concurso implica o coñecemento e aceptación por todos os concursantes das presentes bases

Os órganos competentes, en cada caso, quedarán facultados para resolver as dúbidas que se presenten e tomar os acordos necesarios para a boa orde do concurso, en todo o non previsto nestas bases.

O alcalde. Horacio Gil Expósito. Sinatura Electrónica

